

Mariensequenz aus Seckau (St. Lambrecht)

Die Mariensequenz aus St. Lambrecht (Seckau), in: Waag/Schröder, Dt. Ged. 2, S. 241-242.

Elektronischer Text hergestellt (und lemmatisiert) in der Trierer Arbeitsstelle für das
Mittelhochdeutsche Wörterbuch. Export aus der MWB-Datenbank am 06.11.2009.

Lemmatisierungsverfahren (A=vollständig, B=mit Stoppwortliste, C=in Auswahl nach Glossar): A

Datierung: vor 1140 oder 1160/70

Schreibsprache: ? Entstehung in Seckau nicht unwahrscheinlich

Textsorte:

Kodierung:

VL 6 (19), Sp. 54ff

1

1 **A**ve, du vil schoniu maris stella,
2 ce sælden aller diet exorta,
3 gotes muter Maria.

2

4 **F**rou dich, gotes porta,
5 diu verslozzen gebære
6 die sunne der warheit
7 mit maidelicher reinecheit,
8 mit mensesklicher nature
9 got ce dirre werlte bræhte.

3

10 **M**aget aller magede,
11 schone als diu sunne,
12 himelischiu chuniginne,
13 dirre werlte gimme,
14 erchenne alle die dich minnent
15 und mit rehtem glouben ce dinen gnaden dingent.

4

16 **D**ich bezeichnenot diu Aarones gerte,
17 diu in dem dinchuse alle verte
18 brahte bluode und wucher:

19 als wunterlichen wurte du muter.
20 die alten vater din e
21 wunschten und die wissagen.

5

22 **D**u bist eine stamme
23 des lebens, daz Eva
24 in dem paradyse verlos,
25 du sie den tot erchos.
26 gotes gebot sie ubergie,
27 von danne ir afterchumfte michel sere lie.

6

28 **D**o den schepfære sin gnade ermante,
29 daz er die mennesliche brode erchante,
30 den engel Gabriel mit niwer boteschafte zu dir sante.
31 er sprach: 'Ave Maria,
32 du bist genaden plena.
33 mait du swanger wirst,
34 iz ist got selbe, den du gebirst.'

7

35 **B**e disem worte,
36 himilischiu porte,
37 enpfinge in dinem reinen libe,
38 daz du doch niht wurde ce wibe
39 ...